

Miloni fuisset in necem Clodii. Hoc brevissime purgat, si constet non in via futurum, sed magis in Albano fuisse mansurum.

§ 48. Nam occurrit illud: 'Igitur ne Clodius quidem de insidiis cogitavit, quoniam fuit in Albano mansurus.'

... Invigilat partibus coniecturae duplicitis, ne quid ex hoc adversarii promoverent, quod mansurus in Albano Clodius nullam caedis adgrediendae voluntatem praesumisse videri poterat, ibidemque fit incidens statim ...*<de>* adventante potius Milone quam de Cyro nuntiatum. Et hoc 10 ratiocinationibus validis inplet subnectens ad hunc modum:

Nam quid de Cyro nuntiaret, quem Clodius proficisciens reliquerat morientem?

Hoc ne esset intra nudam propositionem, adiecit suum testimonium, qui testamentum Cyri signaverat. Et *<cum>* 15 posset adversariis esse alia responsio, ut allegarent, etsi certissimus de morte Cyri et de facto testamento ... *cavisset, adiecit orator sollertissimus:

Testamentum palam fecerat et illum heredem et me scripserat.

Quibus vincenter positis confugit ad temporis qualitatem, quod hora decuma nuntiatum sit, quae opportunior esset magis caedi quam profectioni.

§ 49. Primum nihil erat, cur properato opus esset.

Verbum hoc properandi non sum nescius apud quos- 25 dam indifferenter accipi ac solere unum videri festinare et properare. Visum est igitur mihi propter eos, quibus aliquod studium proprie loquendi est, auctore ipso M. Ca-